



KOMUNIKADO PA PRENSA

Fecha
20 di aprel 2016

Kolaboradó di Maneho
Corinne Leysner

Email
corinne.leysner@gobiernu.cw

GOBIERNU TA DRECHA DIFERENTE KAYA DI TERA NA KORSOU

Willemstad- Kuater diferente kontratista tin tarea di Gobièrnu pa drecha diferente kaya na Kòrsou. Ta trata di kayanan di tera ku ta bai haña greis, zeta i despues un kapa di asfalt. E trabounan ta start djaluna 25 di aprel próksimo i tin un durashon di tres luna. E proyekto aki ta pa mehorá kalidat di bida den barionan, kaminda semper e kayanan a keda di tera òf hopi aña pasá tabata spuit nan ku breu.

E kontratista Mirten Contractors ta traha riba e proyektonan na entre otro Choloma (banda di Inovia snack), Kwartje (entre e dos plannan di parselashon), Ballataweg i Salinja Abou. Catspatran NV ta hasi Sta. Maria (The Bottomweg, Mi Lucha). E kompania Robuco NV ta traha na Bou Barber i Groot Sta. Martha i Illusion General Contractors ta hasi e trabounan na Pannekoek.

Habitantenan den e diferente area tin ku tene kuenta ku durante di ehekushon di e trabounan por tin algun molèster pa yega i sali kas. Obra Públiko ta pidi kompreshon pa e eventual molèster i ta spera riba kompreshon.